

**OKVIRNI SPORAZUM
O NABAVCI USLUGA KOLEKTIVNOG OSIGURANJA ZAPOSLENIKA
MINISTARSTVO UNUTRAŠNJIH POSLOVA KANTONA SARAJEVO**

Strane u okvirnom sporazumu:

1. MINISTARSTVO UNUTRAŠNJIH POSLOVA KANTONA SARAJEVO, La Benevolencije br. 16, koje zastupa ministar Admir Katica, (u daljem tekstu: Ugovarač osiguranja) i

2. TRIGLAV OSIGURANJE D.D. SARAJEVO, Dolina br. 8, Sarajvo, ID broj: 4200247470003, koje zastupa izvršni direktor Emir Krivošija, (u daljem tekstu: Osiguravatelj)

sporazumu saglasno konstatuju:

- da je Ugovarač osiguranja u skladu sa Zakonom o javnim nabavkama ("Službeni glasnik BiH" broj: 39/14, 59/22 i 50/24) proveo otvoreni postupak za nabavku usluga kolektivnog osiguranja zaposlenika, sa ciljem zaključivanja okvirnog sporazuma sa jednim ponuđačem na period od 24 mjeseca;
- Nabavka je izvršena na osnovu Odluke o pokretanju postupka broj: 01-11-4-3309/25 od 05.05.2025. godine i Obavještenja o nabavci broj: 1364-1-2-55-3-48/25 od 26.05.2025. godine;
- Okvirni sporazum se zaključuje na osnovu ponude Osiguravatelja nakon provedene e-aukcije od 17.09.2025. godine, a prema Izvještaju o toku i završetku e-aukcije od 11.07.2025. godine koji čine sastavni dio ovog Okvirnog sporazuma;
- Okvirni sporazum ne predstavlja obavezu Ugovarača osiguranja na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga kolektivnog osiguranja zaposlenika u skladu sa uslovima iz tenderske dokumentacije, ponudom Osiguravatelja, odredbama ovog Okvirnog sporazuma i stvarnim potrebama Ugovarača osiguranja.

Član 2.

Ukupna vrijednost ovog Okvirnog sporazuma bez PDV-a iznosi 71.280,00 KM.
Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci. Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

Član 4.

Ugovarač osiguranja će ugovorenu cijenu plaćati Osiguravatelju u roku od 30 dana po ispostavljenosti fakturi.

Član 5.

Rok isplate osigurane sume ne može biti duži od 15 (petnaest) dana od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica.

Član 6.

Osiguravatelj se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 7.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogodne višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Osiguravatelj se obavezuje da će usluge pružati u skladu sa zahtjevom Ugovarača osiguranja i da će odmah postupiti po eventualnim primjedbama Ugovarača osiguranja u pogledu nedostataka na ime kvaliteta izvršene usluge.

Ugovarač osiguranja je dužan dostaviti pismeno obavještenje o svakom propustu Osiguravatelja. Ugovarač osiguranja će utvrditi razuman rok za ispravak propusta Osiguravatelja u smislu izvršene usluge.

Član 8.

Ovaj Okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 9.

Eventualno nastale sporove pri realizaciji ovog Okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se nadležnost Općinskog Suda u Sarajevu.

Član 10.

Ovaj Okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

ZA OSIGURAVATELJA
TRIGALV OSIGURANJE D.D. SARAJEVO

izvršni direktor Admir Krivošija

Broj: 01-41-4-3309-5/25

Datum: 17. 09. 2025.

ZA UGOVARAČA OSIGURANJA
MUP KANTONA SARAJEVO

ministar Admir Katica

Broj: 01-41-4-3309-5/25

Datum: 17.09.2025. godine